

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Vita Christi - Cod. Donaueschingen 436**

**Michael <de Massa>**

**Oberrheinischer Sprachraum (im Übergangsbereich zum Schwäbischen?), [Mitte des 15. Jahrhundert]**

Jesus offenbart sich dem Apostel Petrus

[urn:nbn:de:bsz:31-93623](https://nbn-resolving.org/urn:nbn:de:bsz:31-93623)

betzunge vnd betrüpnisse besonder er en lot su  
mit dar hme bliben darvmb getruwe gotte vnd  
hilff dem rechten allezit er en lot dich mit vngetrost

**Die offenborte sich ih̄s sant Jacob dem Kleinern  
als die epistel spricht :**

**U**nser here ih̄s offenborte sich ouch sant Jacob  
der der mynste ist genant der hette ver  
heissen er enwolte nit essen er en sehe dem ihesu  
das er von dem tode were wider vff erstanden  
dar vmb kam ihesus zu hme vnd zu den andern  
die mit hme wozent. Bereitent den tisch sprach  
er Do nam er das brot in sine hende vnd segnete  
das vnd gabs im vnd sprach. Is min lieber brüder  
wenn der son des menschen ist wider vfferstaden  
von den toten. Do spricht sant Iohann vff also.  
Sihe wie disen mit alleine hongerte noch dem na  
türlichen brote sonder ouch noch dem vbernatur  
lichen brote ihesu cristi dor vmb begezte er von  
yn beiden getrostet vnd gespriset werden liplichen

**Die offenborte sich ih̄s sant petern apostel**

**N**och dem das madalena vnd die andn ma  
rien koment vnd seiten den Jongern ihesus  
vnsere here were vfferstanden. Do betrüpte sich  
sant peter vaste sere das er im nit gesehen hette  
do er zu dem grabe gegangen was vnd erkonde

keinen fride gehan von liebe die er hette zu ihu  
 dorvmb gieng er heimlich allem wider vmb zu  
 dem grabe wenn er erwissete nit wo er yn ands  
 suchen mochte vnd do er vaste fur sich gieng vol  
 gedencen so offenbarte sich ime ihs vnser heze  
 do fiel sant peter nider vff die erde snelllich vnd  
 bad gnade vnd vzeihuge des das er sin verloignet  
 hette vnd von ime was gegangen do verzeich  
 ime ihs willekliehen vnd seite ime ouch das er  
 das er sine bruder sterckte vnd do bleip er mit  
 im ston also vnd retten liebliehen vnd frolichen  
 vnderemander vnd hetten ire osterz liebliche do  
 hiesch sant peter vber em kleines vzlop vnd be  
 nedituge von ihu vnsm hezen vnd gieng wider  
 zu marien der muter vnd zu den andin iongern  
 vnd seite Inen was ime widerfaren was vnd  
 domitte so bleib er furbas me gloibig vnd ge  
 truwete vnsm hezen .:.

**Die hset men das ihs wider gieng zu den hei  
 ligen vettezn in das paradiz .:.**

**D**o ihs vnser heze von sant peter schiet do  
 gieng er wider in das paradiz der wol  
 lust zu den heiligen vettezn die er dor in gefurt  
 hette vsz der helle ee dem er den lichnam zu im  
 genomen hatte vnd kam nu wider zu yn mit dem  
 lichnam als vberklar mit emer grossen schar heilig  
 engel